

Broj: UP1-06-13-1-68-3/23
Mostar, 19.04.2023. godine

Na osnovu člana 17., člana 22. stav (1), stav (3) i stav (5) i člana 23. stav (1) tačka d) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 36. stav (1) tačka d), stav (4) i stav (7), i člana 37. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16, 82/21 i 1/23) i člana 12a. Pravilnika o metodologiji i načinu obračuna regulatornih naknada za imaoce dozvola – Prečišćeni tekst („Službene novine Federacije BiH“ broj 94/19 i 1/23), postupajući po Zahtjevu za oduzimanje dozvole za rad (licence) broj UP1-06-13-1-68-1/23 od 06.04.2023. godine, podnosioca zahtjeva „PAŽIN“ d.o.o. Stolac, Humska bb. Stolac, zastupanog po zakonskoj zastupnici Svjetlani Jerinić, u postupku trajnog oduzimanja Dozvole za rad (licence) za trgovinu na veliko naftnim derivatima osim LPG-om broj UP1-06-13-1-57-1/21, Regulatorna komisija za energiju u Federaciji Bosne i Hercegovine – FERK je 19.04.2023. godine na IX redovnoj sjednici donijela sljedeće

RJEŠENJE

1. Imaoce dozvole „PAŽIN“ d.o.o. Stolac trajno se oduzima Dozvola za rad (licenca) za trgovinu na veliko naftnim derivatima osim LPG-om broj UP1-06-13-1-57-1/21 izdata Rješenjem broj UP1-06-13-1-57-8/21 od 23.04.2021. godine.
2. Regulatorna naknada za 2023. godinu utvrđena u tački 5. Rješenja broj UP1-06-13-1-57-8/21 od 23.04.2021. godine obračunata je za period važenja dozvole za rad (licence) u 2023. godini i ista iznosi 1.369,86 KM.
3. Ovo rješenje je konačno, pa se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj UP1-06-13-1-57-8/21 od 23.04.2021. godine, kojim je izdata Dozvola za rad (licenca) za trgovinu na veliko naftnim derivatima osim LPG-om broj UP1-06-13-1-57-1/21.

Obrazloženje

Dana 06.04.2023. godine FERK je od podnosioca „PAŽIN“ d.o.o. Stolac pod brojem UP1-06-13-1-68-1/23 primio Zahtjev za oduzimanje dozvole za rad (licence), u postupku oduzimanja Dozvole za rad (licence) za trgovinu na veliko naftnim derivatima osim LPG-om broj UP1-06-13-1-57-1/21, radi neobavljanja odobrene energetske djelatnosti.

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenca prije isteka njenog važenja može oduzeti privremeno ili trajno, dok je stavom (3) navedenog člana propisano da se postupak za oduzimanje licence obavlja na isti način kao i postupak za davanje licence.

Takođe, članom 36. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisani su razlozi oduzimanja dozvole za rad - licence, pa je stavom (1) tačka d) ovog člana propisano da će FERK istu oduzeti ukoliko imalac dozvole ne obavlja odobrenu energetske djelatnosti, o čemu je bio dužan obavijestiti FERK. Članom 37. stav (1) ovog pravilnika propisano je da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, pa je utvrđeno da je isti zahtjev potpun.

Na osnovu naprijed navedenih odredbi, a imajući u vidu da imalac dozvole ne obavlja odobrenu energetske djelatnosti, FERK je Rješenjem broj UP1-06-13-1-68-2/23 od 11.04.2023. godine izvršio privremeno oduzimanje Dozvole za rad (licence) za trgovinu na veliko naftnim derivatima osim LPG-om broj UP1-06-13-1-57-1/21 imaocu dozvole „PAŽIN“ d.o.o. Stolac, s obzirom da su bili ispunjeni svi propisani uslovi za privremeno oduzimanje dozvole za rad (licence).

U predmetnom rješenju je naloženo imaocu dozvole „PAŽIN“ d.o.o. Stolac, da do 14.04.2023. godine FERK-u dostavi obavještenje ukoliko namjerava nastaviti sa obavljanjem energetske djelatnosti, a u suprotnom FERK će donijeti rješenje kojim se trajno oduzima dozvola za rad (licenca).

Imalac dozvole nije dostavio obavještenje o namjeri daljeg obavljanja energetske djelatnosti u roku utvrđenom u Rješenju broj UP1-06-13-1-68-2/23 od 11.04.2023. godine o privremenom oduzimanje Dozvole za rad (licence) za trgovinu na veliko naftnim derivatima osim LPG-om broj UP1-06-13-1-57-1/21.

Članom 22. stav (5) Zakona o naftnim derivatima u Federaciji Bosne i Hercegovine propisano je da se postupak trajnog oduzimanja licence provodi ako energetski subjekt ne otkloni nedostatak u roku određenom aktom o privremenom oduzimanju licence ili ne otkloni nedostatke u radu u roku određenom rješenjem mjerodavnog inspektora.

Imajući u vidu činjenicu da imalac dozvole nije otklonio nedostatak, odnosno nije se izjasnio da namjerava nastaviti obavljanje energetske djelatnosti, zbog čega mu je privremeno oduzeta dozvola za rad (licenca), FERK je odlučio izvršiti trajno oduzimanje Dozvole za rad (licence) za trgovinu na veliko naftnim derivatima osim LPG-om broj UP1-06-13-1-57-1/21 imaocu dozvole „PAŽIN“ d.o.o. Stolac, s obzirom da su ispunjeni svi propisani uslovi za trajno oduzimanje dozvole za rad (licence).

S obzirom da je članom 12a. Pravilnika o metodologiji i načinu obračuna regulatornih naknada imaocima dozvola – Prečišćeni tekst propisano da se imaocima dozvole iz sektora naftne privrede, kojima se vrši oduzimanje dozvole, iznos regulatorne naknade preračunava pojedinačnim rješenjem u skladu sa periodom važenja dozvole u tekućoj godini, regulatorna naknada za 2023. godinu preračunata je za period važenja dozvole za rad (licence) u 2023. godini i ista iznosi 1.369,86 KM. S obzirom da je imalac dozvole po osnovu regulatorne naknade za 2023. godinu 26.01.2023.

godine uplatio iznos od 5.000,00 KM, imaoću dozvole izvršiće se povrat više uplaćene regulatorne naknade u iznosu od 3.630,14 KM, o čemu će se imaoću dozvole ispostaviti posebno obavještenje.

Na osnovu obrade Zahtjeva za oduzimanje dozvole za rad (licence) podnosioca „PAŽIN“ d.o.o. Stolac i dokumentacije priložene uz zahtjev, FERK je u skladu sa članom 36. stav (1) tačka d) i članom 37. stav (2) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, odlučio kao u dispozitivu ovog rješenja.

POUKA O PRAVNOM LIJEKU:

Protiv ovog rješenja „PAŽIN“ d.o.o. Stolac može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjedNIKA FERK-a
Mile Srdanović, s.r.